



景穆十二王列傳第七下 魏書十九

南安王 城陽王

章武王 樂陵王

安定王

南安王楨皇興二年封加征南大將軍中都大
官尋遷內都大官高祖即位除涼州鎮都大將
尋以綏撫有能加都督西戎諸軍事征西大將
軍領護西域校尉儀同三司涼州刺史徵為內
都大官出為使持節侍中本將軍開府長安鎮

都大將雍州刺史楨性忠謹事母以孝聞賜帛千匹以褒之徵赴講武高祖引見於皇信堂戒之曰翁孝行著於私庭令聞彰於邦國每欽忠懿思一言展故因講武遠徵赴闕仰慈仁慈情在未已但長安鎮年飢民儉理須綏撫不容久留翁今還州其勤隱恤無令境內有飢餒之民翁既國之懿親終無貧賤之慮所宜慎者略有三事一者侍親驕矜違禮傲虐二者傲慢貪奢不恤政事三者飲酒遊逸不擇交友三者不去

患禍將生但能慎此是以全身遠害光國榮家終始之德成矣而楨不能遵奉後乃聚斂肆情文明太后高祖並臨皇信堂引見王公太后令曰汝陰王天賜南安王楨不順法度黷貨聚斂依犯論坐將至不測卿等爲當存親以毀令爲欲滅親以明法羣臣咸以二王託體先皇宜蒙矜恕太后不荅高祖乃詔曰南安王楨以懿戚之貴作鎮關右不能潔已奉公助宣皇度方肆貪貪欲殖貨私庭放縱姦囚雍絕訴訟具遺諸使

邀求虛稱三之狀皆犯刑書昔魏武翦髮以
齊衆叔向戮弟以明法克已忍親以率天下夫
豈不懷有爲而然耳今者所犯事重疇日循古
推刑實在難恕皇太后天慈寬篤恩矜國屬每
一尋惟高宗孔懷之近發言哽塞悲慟于懷且
以南安王孝養之名聞於內外特一原恕削除
封爵以庶人歸第禁錮終身後高祖南伐楨從
至洛及議遷都首從大計高祖甚悅楨母劉太
妃薨高祖親幸臨慰言葬給棺布帛綵五百段又

以楨議定遷都復封南安王食邑一千戶出爲
鎮北大將軍相州刺史高祖餞楨於華林都亭
詔曰從祖南安旣之蕃任將曠違千里豫懷惘
戀然今者之集雖曰分歧實爲曲宴並可賦詩
申意射者可以觀德不能賦詩者可聽射也當
使武士彎弓文人下筆高祖送楨於階下流涕
而別太和二十年五月至鄴入治日暴風大雨
凍死者十數人楨又以旱祈雨于群神鄴城有
石虎廟人奉祀之楨告虎神像云三日不雨當

魏書傳七十
加鞭罰請雨不驗遂鞭像一百是月疽發背薨
謚曰惠贈帛一千疋及葬又賜帛千疋遣黃門
郎監護喪事及恒州刺史穆泰謀反楨知而不
告雖薨猶追奪爵封國除有五子

子英字虎兒性識聰敏博聞彊記便弓馬解吹
笛微曉醫術高祖時爲平北將軍武川鎮都大
將假魏公未幾遷都督梁益寧三州諸軍事安
南將軍領護西戎校尉仇池鎮都大將梁州刺
史高祖南伐爲梁漢別道都將後大駕臨鍾離

詔英率衆備寇境上英以大駕親動勢傾東南
漢中有可乘之會表求進討高祖許之師次沮
水蕭鸞將蕭懿遣將尹紹祖梁季羣等領衆二
萬徼山立柵分爲數處居高視下隔水爲營英
乃謀曰彼帥賤民慢莫能相服衆而無上罔知
適從若選精卒并攻一營彼不相救我克必矣
若克一軍四營自拔於是簡兵三面騰上果不
相救旣破一處四營俱潰生擒梁季羣斬三千
餘級俘七百人鸞白馬戍將其夜逃潰乘勝長

驅將逼南鄭漢川之民以爲神也相率歸附梁
州民李天幹等詣英降待以國士之禮天幹等
家在南鄭之西請師迎接英遣迎之蕭懿聞而
遣將姜脩率衆追襲連夜交戰頗有殺傷脩後
屢敗復更請軍平懿遣衆赴之迎者告急英率騎
一千倍道赴救未至賊已退還英恐其入城別
遣統軍元拔以隨其後英徼其前合擊之盡俘
其衆懿續遣一軍英不虞賊至且衆力已疲軍少
人懼咸欲奔亡英乃緩騎徐行神色自若登高

望賊東西指麾狀似處分然後整列而前賊謂
有伏兵俄然賊退乘勢追殄遂圍南鄭禁止三
軍一無所犯遠近皆供租運先是英未至也蕭
懿遣軍主范滌領三千餘人伐獠潔聞大軍圍
城欲還救援英遣統軍李平敵李鐵騎等收合
巴西晉壽土人以斷其路潔以死決戰遂敗平
敵之軍英候其稍近以奇兵掩之盡皆擒獲攻
圍九十餘日戰無不克被勅班師英於是先遣
老弱身勅精卒留後遣使與懿告別懿以爲詐

也英還一日猶閉門不開二日之後懿乃遣將
追英英親自殿後與士卒下馬交戰賊衆莫敢
逼之四日四夜然後賊退全軍而還會山氏並
反斷英歸路英勒衆奮擊且戰且行爲流矢所
中軍人莫有知者以功遷安南大將軍賜爵廣
武伯在仇池六載甚有威惠之稱父憂解任高
祖討漢陽起英爲左衛將軍加前將軍尋遷大
宗正又轉尚書仍本將軍鎮荊州蕭寶卷將陳
顯達等寇荊州英連戰失利車駕至南陽免英

官爵世宗即位行徐州還復尚書曰廣武伯蕭寶
卷遣將軍陳伯之寇淮南司徒彭城王勰鎮壽
春以英爲鎮南將軍率衆討之英未至賊已引
退勰還詔英行揚州後英還京師上表曰臣聞
取亂侮亡有國之常道陳師鞠旅因機而致發
竊以區區寶卷罔顧天常憑恃山河敢抗中國
今妖逆數亡驕縱日甚威侮五行怠棄三正淫
刑以逞虐害無辜其雍州刺史蕭衍東伐秣陵
埽土興兵順流而下唯有孤城更無重衛此則

皇天授我之日曠載一逢之秋事易走丸理同
捨芥此而不乘將欲何待臣乞躬率步騎三萬
直指沔陰據襄陽之城斷黑水之路昏虐君臣
自相魚肉我居上流威震遐邇長驅南出進拔
江陵其路既近不盈五百則三楚之地一朝可
收岷蜀之道自成斷絕又命揚公徐二州謦言俱
舉緣江焚毀靡使所遺建業窮蹙感魚遊釜內士
治之師再興孫皓之縛重至齊文軌而大同混
天地而為一伏惟陛下暫闢旒纒少垂聽覽獨

沃聖心無取疑議此期脫爽

公吞未日事

叛不

報英又奏曰臣聞乘虛討

事在速舉因危攻

昧徼捷可期今寶卷亂常鼎日肉相賊蕃成鼎立

莫知所歸義陽孤絕密邇二八境外靡糧援之期

內無兵儲之固此乃臨焚之鳥不可去薪授首

之寇何容緩芥若此行有果則江右之地斯為

經略之基如脫否也非直後舉難圖亦或居要

生疾今豫州刺史司馬悅已戒嚴垂邁而東豫

州刺史田益宗方擬守三關請遣軍司為之節

度世宗遣直寢羊靈引為軍司以軍功拜吏部尚書以前後軍功進爵常山侯英奏謹安學令諸州郡學生三年一校所通經數因正使列之然後遣使就郡練考臣伏惟聖明崇道顯成均之風蘊義光膠序之美是以太學之館久置於下國四門之孝方構於京纏計習訓淹年聽受累紀然舊造之流應問於魏闕不華之輩宜返於齊民使就郡練考要敷其長殿頃以皇都遷構江揚未一故鄉校之訓弗遑正試致使薰蕕之

所具均論學庭簡書之體等教文肆令外宰京官銓考尚訖求遺四門博士明通五經者道別校練依令黜陟詔曰學業隋土廢為日已久非使能勸比當別勅尋詔英使持節假鎮南將軍都督征義南諸軍事率眾南討蕭肅行司州刺史蔡道恭聞英將至遣其驍騎將軍楊由率城外居民三十餘家於城西南十里賢首山即山領為二柵作表裏之勢英勒諸軍圍賢首壘林焚其柵門楊由乃驅水牛從營而出繼之以兵軍人避牛

師遂退下尋分兵圍守其夜柵民任馬駒斬由
以降三軍館穀降民女堵蕭衍遣其平西將軍
曹景宗後將軍王僧炳等率步騎二萬來救義
陽僧炳統衆二萬據鑿嶺景宗率一萬繼後英
遣冠軍將軍元逞揚烈將軍曹文敬造據樊城
以抗之英部勒將士犄角討之大破僧炳軍俘
斬四千餘人英又於士秣山結壘與景宗相抗
分遣諸統伏於四山示之以弱衍將馬仙琕率
衆萬餘來掩英營英命諸軍偽北誘之既至平

地統軍傅永等三軍擊之賊便奔退進擊潰之
斬首二千三百級斬賊羽林監軍鄧終年仙琕
又率一萬餘人重來決戰英勒諸將隨便分擊
又破之復斬賊將陳秀之統軍王買奴別破東
嶺之陣斬首五百道恭憂死驍騎將軍行州事
蔡靈恩復憑窮城短兵日接景宗仙琕知城將
拔盡銳決戰一日三交皆大敗而返靈恩勢窘
遂降三關戍聞之亦棄城而走詔曰知賊城已
下復克三關展威闢境聲略宣振公私稱泰良

以欣然將軍淵規內斷忠謨外舉受律揚旌克
申廟筭雖方叔之制蠻荆召虎之掃淮浦匹茲
蔑如也新州初附宜廣經略想善加檢督必令
周固有所委付然後凱旋耳初高祖之平漢陽
英有戰功許復其封反爲顯達所敗遂寢是役
也世宗大悅乃復之改封中山王食邑一千戶
遣大使鴻臚少卿睦延吉持節就拜英送蔡靈
恩及衍尚書郎蔡僧勰前軍將軍義陽太守馮
道要游擊將軍鮑懷慎天門太守王承伯平北

府司馬宗象平北府諮議參軍伏粲給事中寧
朔將軍蔡道基中兵參軍龐脩等數十人詔曰
會平江南此等便可放歸也英既還世宗引見
深嘉勞之後增封一千戶蕭衍遣將軍寇肥梁
詔英使持節加散騎常侍征南將軍都督揚徐
二道諸軍事率衆十萬討之所在皆以便宜從
事詔英曰賊勢滋甚圍逼肥梁邊將後規以至
於此故有斯舉必期勝捷而出軍淹滯肥梁已
陷聞之惋慙實乖本圖今衆軍雲集十有五萬

魏傳七十一
進取之方其筭安在克殄之期復當遠近竟以
幾日可至賊所必勝之規何者為先故遣步兵
校尉領中書舍人王雲指取機要英表陳事機
乃擊破陰陵斬行將二十五人及虜首五千餘
級又頻破賊軍於梁城斬其支將四十二人殺
獲及溺死者將五萬行中軍大將軍臨川王蕭
宏尚書左僕射柳惔等大將五人沿淮南走凡
收米三十萬石詔勞英曰知大摧鯨寇威振南
海江浦無塵三楚卷墟聲被荒隅同軌斯始公

和慶爍巨副朕懷便當乘威藉響長驅吳會翦
拉遺燼截彼東南也英追至千馬頭行馬頭戎
王委城遁走遂圍鍾離詔曰師行已久士馬疲
瘠賊城險固卒難攻屠冬春之交和事勝便十
萬之衆日費無貲方圖後舉不待今事且可密
裝徐嚴為振旅之意整疆完土開示威略左右
蠻楚素應逃亡或竄山湖或難制掠若凶渠黠
黨有須翦除者便可撲掃以清疆界如其覆狡
憑阻未易致力者亦不煩肆兵凱旋遲近不復

委曲英表曰臣奉辭伐罪志殄逋寇想敵量攻
斯至二月將末三月之初理在必克但自此月
一日以來霖雨連併可謂天違人願然王者行
師舉動不易不可以少致睽淹便生異議臣亦
諦思若入三月已後天晴地燥馮憑陵是當宜其
連雨仍接不得進攻者臣已更高邵陽之橋防
其汎突意外洪長慮其破橋臣亦部分造船復
於鍾離城隨水狹處營造浮橋至三月由旬橋
必克成晴則攻騰湖則圍守水陸二圖以得為

限實願朝廷特開遠略少復賜寬假以日月無
使爲山之功中途而廢詔曰大軍野次已成勞
久攻守之方理可豫見比頻得啓制勝不逾暮
春及省後表復期孟夏之末彼土蒸溼無一旦久
淹勢雖必取乃將軍之深計兵久力殆亦朝廷
之所憂故遣主書曹道往觀軍勢使還三具
聞及道還英猶表云可克四月水盛破橋英及
諸將狼狽奔走士衆沒者十有五六英至揚州
遣使送節及衣冠貂蟬章綬詔以付與有司奏

英經筭失圖案劾處死詔恕死為民後京兆王
 愉反英復王封邑二千戶除使持節假征東將
 軍都督冀州諸軍事英未發而冀州二平時郢
 州治中督榮祖潛引蕭衍軍以義陽應之三關
 之戎並據城降衍郢州刺史婁悅嬰城自守懸
 瓠城民白早生等殺豫州刺史司馬悅據城南
 叛衍將齊苟仁率眾守懸瓠悅子尚華陽公主
 并為所劫詔英使持節都督南征諸軍事假
 征南將軍出自汝南世宗引英謂之曰安之必終

御失和銓衡關於簡授故使郢民引寇關戍外
 奔義陽孤窘有倒懸之切王國之召虎威名宿
 震故屈王親撫元戎掃清氛穢昔衛霍以匈奴
 之故居無寧歲今南疆不靖王不得以屢勞為
 辭也英對曰臣才非韓白識闇孫吳徒以宗室
 之長頗荷推轂之寄規略淺短失律喪師宜章
 子良謝天下陛下慈深念屢受等鑿牛
 使三在荀伯再生明世甚言追孟氏以報復為
 期關聖微寇何足平殄滅賊方略已在臣月中

願陛下勿勞聖慮也世宗曰截彼東南再清隨
楚所望於將軍鍾離一背豈足以損大德今王
董彼三軍朕無憂矣世宗以邢巒頻破早生詔
英南赴義陽英以衆少累表請軍世宗弗許而
英輒與邢巒分兵共攻懸瓠克之乃引軍而進
初苟仁之據懸瓠衍寧朔將軍張道凝等聚
據楚城聞英將至棄城南走英追擊斬道凝及
衍虎賁中郎曹苦生盡俘其衆既次義陽將取
三關英策之曰三關相須如左右手若克一關

兩關不待攻而定攻難不如攻易東關易攻宜
須先取即黃石公所謂戰如風發攻如河決英
恐其并力於東乃使長史李華率五統向西關
分其兵勢身督諸軍向東關先是馬仙琕使雲
騎將軍馬廣率衆拒屯於長薄軍主胡文超別
屯松峴英至長薄馬廣夜遁入於武陽英進師
攻之聞衍遣其冠軍將軍彭笮生驃騎將軍徐
超秀援武陽英乃緩軍曰縱之使入此城吾先
曾觀其形勢易攻耳吾取之如拾遺也諸將未

之信寃生等既入武陽英促圍攻之六日而廣
等降於是進擊黃峴衍太子左衛率李元履棄
城奔竄又討西關衍司州刺史馬仙琕亦即退
走果如英策凡擒其大將六人支將二十人卒
七千米四十萬石軍資稱是還朝除尚書僕射
永平三年英薨給東園祕器朝服一具帛七百
匹贈司徒公諡曰獻武王英五子

攸字玄興東宮洗馬早卒贈散騎侍郎

攸弟熙字真興好學俊爽有文才聲著於世然

輕躁浮動英深慮非保家之主常欲廢之立第
四子略爲世子宗議不聽略又固請乃止起家
祕書郎延昌二年襲封累遷兼將作大匠拜太
常少卿給事黃門侍郎尋轉光祿勳時領軍于
忠執政熙忠之婿也故歲中驟遷尋除平西將
軍東秦州刺史進號安西將軍祕書監尋以本
將軍授相州刺史熙以七月入治其日大風寒
雨凍死者二十餘人驢馬數十匹熙聞其祖父
前事心惡之又有蛆生其庭初熙兄弟並爲清

河王懌所昵及劉騰元義隔絕二宮矯詔殺懌
熙乃起兵上表曰臣聞安危無常時有休否臣
早屬休明晚逢多難自皇基綿茂九葉承光高
祖世宗徽明相襲皇太后聖敬自天德同馬鄧
至尊神叡纂御神鑒燭遠四海晏如八表歸化
而領軍將軍元義寵藉外親叨榮左右豺狼爲
心飽便反噬遂使二宮阻隔溫清闕禮又太傅
清河王橫被屠害致使忠臣烈士喪氣闕庭親
賢宗戚憤恨内外妄指鹿馬孰能踰之王董權

逼方此非譬臣仰瞻雲闕泣血而生以細草不
除將爲爛漫況义悖逆如此孰可忍之臣忝藉
枝萼思盡力命碎首屠肝甘之若薺今輒起義
兵實甲八萬大徒旣進文武爭先與并州刺史
城陽王徽恒州刺史廣陽王淵徐州刺史齊王
蕭寶夤等同以今月十四日俱發庶仰憑祖宗
之靈俯罄義夫之命掃前翦兇醜更清京邑臣親
總三軍星邁赴難置兵温城伏聽天旨王公宰
輔或世著忠烈或宿佩恩顧如能同力剪除元

義使太后至尊忻然奉對者臣即解甲散兵赴謝朝闕臣雖才乖昔人位居蕃屏寧容坐觀姦醜虛受榮祿哉熙兵起甫十日爲其長史柳元章別駕游荆魏郡太守李孝怡率諸城人鼓譟而入殺熙左右四十餘人執熙置之高樓并其子弟義遣尚書左丞盧同斬之於鄴街傳首京師始熙妃于氏知熙必敗不從其謀自初哭泣不絕至於熙死熙臨刑爲五言詩示其寮吏曰義實動君子主辱死忠臣何以明是節將解七

尺身與知友別曰平生方寸心殷勤屬知己從今一銷化悲傷無極已熙旣蕃王之貴加有文學好奇愛異交結偉俊風氣甚高名美當世先達後進多造其門始熙之鎮鄴也知友才學之士表翻李琰李神雋王誦兄弟裴敬憲等咸餞於河梁賦詩告別及熙將死復與知故書曰吾與弟並蒙皇太后知遇兄據大州弟則入侍殷勤言色恩同慈母今皇太后見廢北宮太傅清河王橫受屠酷主上幼年獨在前殿君親如此

無以自安故率兵民建大義於天下但智力淺
短旋見囚執上慙朝廷下愧相知本以名義干
心不得不爾流腸碎首復何言哉昔李斯憶上
蔡黃犬陸機想華亭鶴喚豈不以恍惚無際去
不還者乎今欲對秋月臨春風藉芳草蔭花樹
廣召名勝賦詩洛濱其可得乎凡百君子各敬
爾宜爲國爲身善勛名節立功立事爲身而
已吾何言哉時人憐之又熙於任城王澄薨前
夢有人告之曰任城當死死後二百日外君亦

不免若其不信試看任城家熙夢中顧瞻任城
第舍四面牆崩無遺堵焉熙惡之覺而以告所
親及熙之死也果如所夢兄弟三人每從英征
伐在軍貪暴或因迎降逐北至有斬殺無辜多
增首級以爲功狀又于忠之誣郭柞裴植也忠
意未決害之由熙勸獎遂至極法世以爲冤及
熙之禍議者以爲有報應焉靈太后反政贈使
持節都督冀定瀛相幽五州諸軍事大將軍太
尉公冀州刺史增本封一千戶謚曰文莊王

長子景獻次仲獻次叔獻並與熙同被害後贈景獻中軍將軍青州刺史葬以王禮仲獻左將軍兗州刺史叔獻右將軍齊州刺史

叔獻弟叔仁以年幼獲全與母于氏徙朔州孝昌初靈太后詔叔仁歸京師還其財宅襲先爵除征虜將軍通直散騎常侍孝莊初遇害於河陰贈衛大將軍儀同三司并州刺史

子琳襲齊受禪爵例降

熙弟誘字惠興自負外郎稍遷通直郎太子中

庶子征虜將軍衛尉少卿出爲右將軍南秦州刺史又斬之於岐州妻子得不坐追贈車騎大將軍雍州刺史後贈儀同三司追封都昌縣開國伯食邑八百戶謚曰恭

子始伯襲給事中齊受禪爵例降

誘弟略字德興才氣勇於熙而有和邃之譽自負外郎稍遷羽林監通直散騎常侍冠軍將軍給事黃門侍郎清河王懌死後又黜略爲懷朔鎮副將未及赴任會熙起兵與略書來去尋值

熙敗略遂潛行自託舊識河內司馬始實始實
便為荻筏夜與略俱渡盟津詣上黨屯雷懸粟
法光法光素敦信義忻而納之略舊識刁雙時
為西河太守略復歸之停止經年雙乃令從子
昌送略潛遁江左蕭衍甚禮敬之封略為中山
王邑二千戶宣城太守俄而徐州刺史元法僧
據城南叛州內士庶皆為法僧擁逼衍乃以略
為大都督令詣彭城接誘初附略至屯於河南
為安樂王驤所破略唯數十騎入城衍尋遣其

豫章王綜鎮徐州徵略與法僧同還略雖在江
南自以家禍晨夜哭泣身若居喪又惡法僧為
人與法僧言未嘗一笑衍復除略衡州刺史未
行會綜以城歸國綜長史江革司馬祖暉將士
五千人悉見檢虜肅宗勅有司悉遣革等還南
因以徵略衍乃備禮遣之略之將還也衍為置
酒餞別賜金銀百斤衍之百官悉送別江上遣
其右衛徐確率百餘人送至京師肅宗詔光祿
大夫刁雙境首勞問又勅徐州賜絹布各一千

匹除略侍中義陽王食邑二千戶還達石人驛
亭詔宗室親黨內外百官先相識者聽迎之近
郊賜帛三千匹宅一區粟五千石奴婢三十人
其司馬始賓除給事中領直後粟法光本縣令
才昌東平太守刁雙西兗州刺史其略所至一
餐一宿之處無不霑賞尋改封東平王又拜車
騎大將軍左光祿大夫儀同三司領左衛將軍
侍中如故又本官領國子祭酒遷大將軍尚書
令靈太后甚寵任之其見委信始與元徽相埒

於時天下之望軍國乃端略守常自保無他裨
益唯唯具臣而已尔朱榮略之姑夫略素所輕
忽略又黨於鄭儼徐統榮兼銜之榮入洛也見
害於河陰贈以本官加大保司空徐州刺史謚
曰文貞

子曷武襲武定中北廣平太守齊受禪爵例除
略弟纂字紹興別有材略為司徒祭酒聞熙舉
兵因逃奔於鄴至即見擒與熙俱死追封北平
縣公贈安北將軍恒州刺史改封高唐縣開國

侯食邑八百戶

子子獻襲卒於涇州司馬

熙異母弟義興出後叔父並洛肅宗初除員外散騎侍郎及熙之遇害也義興以別後故得不坐稍遷輔國將軍通直散騎常侍孝莊初於河陰遇害贈中軍將軍瀛州刺史後贈散騎常侍征東將軍餘如故義興妻趙郡李氏李頗有婦子為介朱榮妻所親聖永安中追封義興燕郡王邑五百戶尋改封鉅鹿王又改封武昌王

子述襲天平中通

郎齊受禪爵例降

英弟怡起家步兵校尉轉城門校尉遷鄴善鎮將所在貪暴為有司所糾逃竄得免延昌中卒莊帝初以介朱榮婦兄超贈驃騎大將軍太尉公雍州刺史扶風王

長子肅起家員外散騎侍郎轉直寢莊帝初封肅魯郡王邑千戶除散騎常侍出為後將軍廣州刺史後除衛將軍肆州刺史其弟曄儋立拜肅侍中太師錄尚書事尋改除使持節都督青

膠光齊南青五州諸軍事驃騎大將軍東南道
大行臺青州刺史不行永熙二年薨贈使持節
侍中都督并恒二州諸軍事本將軍司徒公并
州刺史

子道與襲除前將軍齊受禪爵例降

曄字華興小字盆子性輕躁有膂力起家秘書
郎稍遷通直散騎常侍莊帝初封長廣王邑一
千戶出爲太原太守行并州事介朱榮之死也
世隆等奔還并州與介朱兆會於建興乃推曄

爲主大赦所部號在建明尋爲世隆等所廢前
廢帝立封曄爲東海王邑萬戶出帝初坐事賜
死於第無子爵除

城陽王長壽皇興二年封拜征西大將軍外都
大官出爲沃野鎮都大將性聰惠善撫接在鎮
甚有威名延興五年薨謚康王
長子多侯早卒

次子鸞字宣明始繼叔章武敬王及兄卒還襲
父爵身長八尺罽帶十圍以武藝著稱頻爲北

都大將高祖時拜外都大官又出爲持節都督
河西諸軍事征西大將軍領護西戎校尉涼州
鎮都大將改鎮立州以鸞爲涼州刺史姑臧鎮
都大將餘如故後朝于京師會車駕南討領鎮
軍將軍定都洛陽高祖幸鄴詔鸞留守及開建
五等食邑一千戶除使持節征南大將軍都督
豫荆郢三州河內山陽東郡諸軍事與安南將
軍盧淵李佐攻赭陽不克敗退而還時高祖幸
瑕丘鸞請罪行宮高祖引身鸞等責之曰卿等

總率戎徒義應奮節而進不能夷拔賊城退不
能殄茲小寇虧損王威罪應大辟朕革變之始
事從寬貸今捨卿等死罪城陽降爲定襄縣王
削戶五百古者軍行必載廟社之主所以示其
威惠各有攸歸今徵卿等敗軍之罪於社主之
前以彰厥咎後以留守之功還復本封增邑二
百戶除冠軍將軍河內太守轉并州刺史世宗
初除平東將軍青州刺史後轉安北將軍定州
刺史鸞愛樂佛道脩持五戒不飲酒食肉積歲

長齋繕起佛寺勸率百姓共為土木之勞公私
 費擾頗為民患世宗聞而詔曰鸞為親唯宗懿作
 牧大州民物殷繁綏寧所屬宜克已厲誠崇清
 慎惠而乃驟相徵發專為煩擾編戶嗷嗷家懷
 嗟怨北州士庶效亂是由隼法尋愆應加肅黜
 以警威屬情有未忍可遣使者以義督責奪祿
 一旬微示威罰也正始二年燕薨時年三十八贈
 諡六百匹詔中書自告人王雲言旨臨予贈鎮北
 將軍冀州刺史諡懷王

于徽字顯順粗涉書史頗有吏才世宗時襲封
 除游擊將軍出為河內太守在郡清整有民譽
 徵拜長兼散騎常侍肅宗時除右將軍涼州刺
 史徽以徑途阻遠固請不行除散騎常侍其年
 除後將軍并州刺史先是州界夏霜禾稼不熟
 民庶逃散安業者少徽輒開倉賑之文武咸共
 諫止徽曰昔汲長孺郡守耳尚輒開倉救民災
 敝況我皇家親近受委大藩豈可拘法而不救
 民困也先給後表肅宗嘉之加安北將軍後拜

安西將軍秦州刺史詔書曰至夕發徽以將之
秦部請詣闕恭授仍表啓固陳請不之職改授
輔國將軍加度支尚書進號鎮軍將軍于時戎
馬在郊王師屢敗徽以軍旅之費上國封綸二
千匹粟一萬石以助軍用肅宗不納又以本官
兼吏部尚書加侍中征東將軍遷衛將軍右光
祿大夫拜尚書左僕射轉車騎將軍儀同三司
固辭不拜聽解侍中然後受詔尋除尚書令加
開府西道行臺不行時靈太后專制朝綱褻視

微既居寵任無所匡弼與鄭儼之徒更相阿黨
外似柔謹內多猜忌雖眦之忿必思報復識者
嫉之又不能防閑其妻于氏遂與廣陽王淵姦
通及淵受任軍府每有表啓論微罪過雖涉誣
毀頗亦實焉莊帝踐阼拜司州牧尋除司徒仍
領牧元顥入洛微從莊帝北巡及車駕還官以
與謀之功除侍中大司馬太尉公加羽葆鼓吹
增邑通前二萬戶餘官如故微表辭官封前後
屢上又啓云河上之功將士之力求回所封加諸

勲義我微爲莊帝親待內懼榮寵故有此辭以
防外議莊帝識其意聽其辭封不許讓官微後
妻莊帝舅女侍中李威帝之婦婚微性佞媚善
自取容挾內外之意宗室親戚莫與比焉遂與
或等勸帝圖榮莊帝亦先有意榮死世隆等屯
據不解除微太保仍大司馬宗師錄尚書事物
統內外微本意謂榮死後枝葉自應散亡及介
朱宗族聚結謀難微筭略無出憂怖而已性多
嫉妬不欲人居其前母入參謀議獨與帝決朝

臣有上軍國籌策者並勸帝不納乃云小賊何
慮不除又恠惜財用自家及國於是有所賞錫
咸出薄少或多而中減與而復追徒有糜費恩
不感物莊帝雅自約狹尤亦微所贊成太府少
卿李苗微司徒時司馬也微待之頗厚苗每致
忠言微自得志多不採納苗謂人曰城陽本自
蜂目而豺聲復將露也及介朱兆之入禁衛奔
散莊帝步出雲龍門微乘馬奔度帝頻呼之微
不顧而去遂走山南至故吏寇彌宅彌外雖容

納內不自安乃怖徽云官捕將至今其避也所
使人於路邀害送屍於介朱兆出帝初贈使持
節侍中太師大司馬錄尚書事司州牧謚曰文
獻

子延襲爵武定末官至太子中庶子齊受禪爵
例降

徽兄顯魏給事中司徒掾卒贈輔國將軍東豫
州刺史

徽次兄顯恭字懷忠揚州別駕以軍功封平陽

縣開國子邑三百戶孝莊初除北中郎將遷左
將軍東徐州刺史入為安東將軍大司農卿尋
除中軍將軍荊州刺史莊帝既殺介朱榮乃除
顯恭使持節都督晉建南汾三州諸軍事鎮西
將軍兼尚書左僕射西北道行臺晉州刺史介
朱兆入洛後死於晉陽出帝初贈衛大將軍并
州刺史重贈車騎大將軍儀同三司

子彥昭襲武定中漁陽太守齊受禪爵例降
顯恭弟旭字顯和莊帝時封襄城郡王邑千戶

武定末位至大司馬齊受禪爵例降

章武王太洛皇興二年薨追贈征北大將軍章

武郡王諡曰敬無子高祖初以南安惠王第二

子彬為後

彬字豹兒襲爵勇健有武用出為使持節都督

東秦幽夏三州諸軍事鎮西大將軍西戎校尉

統萬鎮都大將朔州刺史以貪恠削封是時吐

京胡反詔彬持節假平北將軍行汾州事率并

肆之眾往討之胡平仍除征虜將軍汾州刺史

胡民去居等六百餘人保險謀反扇動徒類彬

請兵二万有司奏許之高祖大怒曰何有動兵

馬理也可隨宜肅治若不能權方靜帖必須大

眾者則先斬刺史然後發兵彬奉詔大懼而率

州兵身先將士討胡平之太和二十三年卒賜

錢十萬絹二百匹贈以本官加散騎常侍彬有

五子

長子融字永興儀兒壯麗衣冠甚偉性通率有

豪氣高祖時拜祕書郎世宗初復先爵除驍騎

將軍蕭衍遣將寇逼淮陽梁城陷沒詔融假節
征虜將軍別將南討大摧賊衆還復梁城于時
揚州刺史元嵩為奴所害勅融行揚州事尋除
假節征虜將軍并州刺史及世宗崩兼司空營
陪景陵拜宗正卿以本官行儻州事遇疾不行
未幾除散騎常侍平東將軍青州刺史還為祕
書監遷中書監軍進號撫軍將軍領河南尹加征
東將軍性尤貪殘恣情聚斂為中尉糾彈削除
官爵分復山胡叛逆連結正平平陽詔復融前
封征東將軍持節都督以討之融寡於經略為
胡所敗久之加散騎常侍衛將軍左光祿大夫後
賊帥鮮于脩禮寇暴瀛定二州長孫稚等討之
失利除融車騎將軍為前驅左軍都督與廣陽
王淵等共討脩禮師渡交津葛榮殺脩禮而自
立轉營至白牛邏輕騎擊融融苦戰終日更無
外援遂大奔敗於陳見殺肅宗為舉哀於東堂
賜東園祕器朝服一具綵二千八百段贈侍中都
督雍華岐三州諸軍事本將軍司空雍州刺史

尋以融死王事進贈司徒加前後部鼓吹謚曰莊武

子景哲襲武定中開府儀同三司齊受禪爵例降

景哲弟朗即後廢帝語在帝紀

子黃頭襲封安定王改封安平王齊受禪爵例降

融弟凝字定興起家恒州征虜錄事參軍累遷護軍長史凝姑介朱榮妻莊帝初封東安王食

邑五百戶除持節安東將軍兗州刺史轉濟州刺史仍本將軍永熙二年薨贈持節都督滄瀛冀三州諸軍事驃騎大將軍冀州刺史

子彥友襲武定中光祿大夫齊受禪爵例降

凝弟湛字鎮興起家祕書郎轉尚書左司郎中遷廷尉少卿莊帝初遇害河陰贈征東將軍青州刺史追封漁陽王食邑五百戶

子俊襲齊受禪爵例降

湛弟晏字俊興卒於祕書丞贈平東將軍祕書

監豫州刺史

樂陵王胡兒和平四年薨追封樂陵王贈征
北大將軍謚曰康無子顯祖詔胡兒兄汝陰
王天賜之第二子永全後之襲封後改名思
譽高祖初蠕蠕犯塞以思譽為鎮北大將軍
北征大都將後除使持節本將軍領護匈奴
校尉都督中軍都將出為使持節鎮東大將
軍和龍鎮都大將營州刺史加領護東夷校
尉轉為鎮北將軍平行鎮北大將軍高祖引見

百官於光極堂謂思譽曰恒代此懸舊都意
重故屈叔父遠臨此任不可不敬慎所臨以
副朕望及穆泰陰謀不軌思譽知而不告起死
削封為庶人太和末遷復其王封正始四年薨
贈光州刺史謚曰密王

子景略字世彥世宗時襲封拜驍騎將軍除持
節冠軍將軍幽州刺史熙平元年薨贈本將軍
豫州刺史賜帛四百疋謚曰惠王

子霸字休邦襲武定中銀虎太守齊受禪爵例

降

景略弟慶略散騎侍郎

子子政通直散騎常侍

慶略弟洪略恒農太守中軍將軍行東雍州刺

史

洪略弟子業平原太守

安定王休皇興二年封拜征南大將軍外都大
官休少而聰慧治斷有稱高祖初庫莫奚寇邊
以休爲使持節侍中都督諸軍事征東大將軍

領護東夷校尉儀同三司和龍鎮將休撫防有
方賊乃款附入爲中都大官蠕蠕犯塞出爲使
持節征北大將軍撫冥鎮大將休身先將士擊
虜退之入爲內都大官遷太傅及開建五等食
邑二千戶車駕南伐領大司馬高祖親行諸軍
遇休以三盜人徇於六軍將斬之有詔赦之休
執曰陛下將遠清衡霍故親御六師跋沙野次
軍行始爾已有姦竊如其不斬何以息盜請必
行刑以肅姦慝詔曰大司馬執憲誠應如是但

因緣會朕聞王者之體亦時有非常之澤雖違
軍法可特原之休乃奉詔高祖謂司徒馮誕曰
大司馬嚴而秉法諸軍不可不慎於是六軍肅
然定都洛邑休從駕幸鄴命休率從駕文武迎
家于平城高祖親餞休於漳水之北十八年休寢
疾高祖幸其第流涕問疾中使醫藥相望於
路薨賜帛三千匹自薨至殯車駕三臨高祖至
其門改服褻衰素弁加經皇太子百官皆從行
弔禮及將葬又贈布帛二千匹謚曰靖王詔假

黃鉞加羽

鼓吹虎賁班劍六十二人悉准十三

老尉元之儀高祖親送出郊慟哭而返諸王恩
禮莫比焉世宗世配鄉食廟庭

長子安幼年早卒

次子燮除下大夫世宗初襲拜太中大夫除征
虜將軍華州刺史燮表曰謹惟州治李潤堡雖
是少梁舊地晉芮錫壤然胡夷內附遂為戎落
城非舊邑先代之名爰自國初護羗小戎及改
鎮立郡依岳立州因籍倉府未刊名實竊見馮

翊古城羗魏兩民之交許洛水陸之際先漢之
左輔皇魏之右翼形勝名都實惟西蕃與府今
州之所在豈唯非舊至乃居岡飲澗井谷穢雜
升降劬勞往還數里謨諳明昏有虧禮教未若
馮翊面華渭包原澤井淺池平樵牧饒廣採材
華陰陸運七十伐木龍門順流而下陪削舊筵
功省力易人各為己不以為勞昔宋民無井穿
井而忻得人沉合城無水得水而不家慶竊聞
前政刺史非是無意或值兵舉或遇年災緣此

契關稽延至此去歲已熟秋方大登四境晏安
京師無事丁不十錢之費人無八旬之勤損輕
益重乞垂昭監遂詔曰勞永逸便可聽移後除
征虜將軍幽州刺史延昌四年薨贈本將軍朔
州刺史

子超字化生肅宗初龍襲時以胡國珍封安定公
改封北平王拜城門校尉通直散騎常侍東中
郎將尋除光祿大夫領將作大匠後復本封亦
朱榮之入洛超避難洛南遇寇見害莊帝初贈

車騎大將軍儀同三司岐州刺史

子孝景襲武定中通直郎齊受禪爵例降

燮弟願平清狂無行高祖末拜負外郎世宗初
遷給事中悖惡日甚殺人劫盜公私成患世宗
以其戚近未忍致之於法乃免官禁之別館館
名愁思堂冀其克念世宗崩願平乃得出靈太
后臨朝以其暴亂不悛詔曰願平志行輕躁每
乖憲典可還於別館依前禁錮久之解禁還家
行師嚴加誨獎後拜通直散騎常侍前將軍坐

裸其妻王氏於其男女之前又彊姦妻妹於妻
母之側御史中丞侯剛案以不道處死絞刑會
赦免黜為負外常侍孝昌中卒

子緒幽州安西府功曹參軍莊帝初直閣將軍
尋為持節兼武衛將軍關右慰勞十二州大使
遂沒吐谷渾

子長春負外散騎侍郎武定初封南郡王邑五
百戶齊受禪爵例降

願平弟永平征虜將軍南州刺史為城民華

魏書傳十一
延明所害太昌初追贈使持節侍中都督定瀛
幽三州諸軍事衛將軍定州刺史

永平弟珍平司州治中

子叔遵負外散騎常侍

珍平弟貴平羽林監轉射聲校尉莊帝初除散
騎常侍宗正少卿封東萊王邑百戶除平北將
軍南相州刺史莊帝既殺尔朱榮加武衛將軍
兼侍中爲河北山東慰勞大使至定州東北爲
幽州大都督侯淵所執送於西陽後還洛前廢

帝時以本官行青州事虜主民崔祖螭作逆賊
徒甚盛圍逼東陽一百餘日貴平率城民固守
又令將士開門交戰大軍救至遂擒祖螭等斬
之還除車騎將軍加散騎常侍遷左衛將軍宗
師又遷車騎大將軍左光祿大夫儀同三司貴
平人才險薄爲出帝所信出爲青州刺史又加
驃騎大將軍開府儀同三司爲幽州大都督侯
淵所害

史臣曰南安原始要終善不掩惡英將帥之用

有聲於時熙略兄弟早播民譽或才踈志大或器狹任廣咸不能就其功名俱至非命惜也康王不承鸞起家聲微飾智矯情外諂內忌永安之禍誰任其責究其死也固其宜哉章武樂陵蓋不足數靜王聰斷威重見稱太和美矣

景穆十二王列傳第七下

魏書十九

文成五王列傳第八

魏書二十

安樂王

廣川王

齊郡王

河間王

安豐王

文成皇帝七男孝元皇后生獻文皇帝李夫人
生安樂厲王長樂曹夫人生廣川莊王略沮渠
夫人生齊郡順王簡乙夫人生河間孝王若悅
夫人生安豐匡王猛玄夫人生韓哀王若安平
王早薨無傳

